

M038: Bote, Der heimliche

0,1 Ih bin ei- heinlich bote
0,2 nv bevilch ih dc gotte .
0,3 dc er dc laze werde-
0,4 dc ih sol werbe- .
0,5 daz sol ih bite- alle tage
0,6 got laz ez werde- ane schade .
0,7 Der mih ze bote- hat gesa-t
0,8 er ist vil witene- reka-t
0,9 d' heizet mih dc sehen
0,10 vil mi-nechliche gehen .
0,11 er heizet si er gemvte des hvte- .
0,12 dc si er gemvte .
0,13 Irge- gewe-de .
0,14 decheinen . ende .
0,15 an decheine- sogeta- ma- .
0,16 d' si gemi-ne- nene cha- .
0,17 dez mi-ne si-t niet hei-lich .
0,18 ez en du-chet in lobelich .
0,19 si svln sich dar gewe-de- .
0,20 da ma- si ka- gemi-nen
0,21 dc tvonchet in d' frowe- rat .
0,22 nv sih wie hie gescribe- stat .
0,23 Ih han gesehe- ma-ge ma-
0,24 der anders minnen nene kan .
0,25 wa- dc er wanet div wip .
0,26 mi-ne- sine- stanche- lip .
0,27 so wanet aber ein ander
0,28 d' ein teil ist la-ger .
0,29 denne- ei- and' ma- .
0,30 dc er die mi-ne svle han .
0,31 einer durh sine schone
0,32 d' and' durh sine kvone .
0,33 d' drite- durch sin gvotes har .
0,34 si si-t betroge- daz ist war
0,35 ei-re dvrch sin ma-chraft .
0,36 d' and' durh sin rit'schaft .
0,37 dc si da heizi-t . riterschaft
0,38 dc ist ein michel v-gemah .

0,39 si tvo-t de- frovwe- leide .
0,40 dc si selte- si-t da heime .
0,41 si rite- zvo wige .
0,42 waz fromet dc de- wibe- .
0,43 ovh flizi-t si sich an t'nei .
0,44 die frovwe- dorfte- nivr ei- ei
0,45 gebe- vnbe sogetane hvobeschet .
0,46 div zvo mi-ne- niet en stet .
0,47 den wol mi-ne-de- man
0,48 den ka- ih wol irke-ne- .
0,49 wa-de vns phaset saget ei- bvoh .
0,50 von gvot' mi-ne- gnovc .
0,51 iz sprichet "swer so gvtliche lebe .
0,52 vn- wize wol alle phade .
0,53 d' sol de- frovwe- lieb wese-"
0,54 da fvr baz en sage- ih iv niet
0,55 waz mir dar vnbe kvnde ist .
0,56 wa- ze gvote- mi-ne- horet list
0,57 d' ma- sol dene- mit demvte .
0,58 alle- den die ez m'che- ze gvte .
0,59 vn- halde die mit si-ne .
0,60 die mit falsliche- dinge- .
0,61 bese rede brete- .
0,62 die hald ' mit listecheite .
0,63 Nvo ist ma-g' dem dc wirret .
0,64 dc in sin armvot irret .
0,65 dc er niet mac vollebrige- .
0,66 sine- wille- an ma-gen dinge- .
0,67 also ' doh g'ne tate .
0,68 der tvo also ih ime hie rate .
0,69 bedече sine armvot .
0,70 mit fuoge vn- mit gvote .
0,71 vn- si i- alle wis geret
0,72 ze merren sin frvomechet .
0,73 Bese site sol er v'mide- .
0,74 vnd e- rvoche v-be in dar nide- .
0,75 sine bese nahgebvre .
0,76 swaz er tvogende mag gefvoren .
0,77 die vobe er naht vn- tag .
0,78 vn- swe-ne er z nit getvon mag .
0,79 so besche- er gvote- willen doh .
0,80 har zv sol er habe- noh .
0,81 schone antwrte vn- gvote grvoze .
0,82 wise rede vn- svoze .
0,83 vn- werbe dc mit si-ne .
0,84 dc i- alliv div welt mi-ne .
0,85 vn- man ime wol spreche .
0,86 vn- niema- an ime en reche .

0,87 nehe- vbele- willen
0,88 wed' vberlvot noh stille .
0,89 alle tvoge-de die ovb er g'ne .
0,90 des en tog im niet z enberne .
0,91 wa-d iz der welte wol gezimet .
0,92 sve-ne ma- daz vernimet .
0,93 wa- ma- ez rede- horet .
0,94 so ist d' nit gar zerstoret .
0,95 den man da vor wid' in trvg .
0,96 des haben wir v'nome- gnvoc .
0,97 dc vil magnig man
0,98 tvogent vn- ere alsus gewa- .
0,99 sver diz tvot alse ih ime rate .
0,100 so ist sin er grvone vn- state .